

З давен-давна

Музика: Агнета Тимко

Слова: Дюра Латяк

Обробка: Мирон Сивч

З давен-давна у Карпатох руске мено жиє,
з двох їх бокох коло братох Руснак гніздо виє.
Зоз братами з дідовщини в братстве и злагоди,
нігда инше вон не жадал, лем жиц у злагоди.

Приштив:

Нешка Руснак зоз гордосцу свойо мено ноши,
плоди предкох зоз радосцу, з поцешеньом коши.
Руске мено нешка Руснак з креву уж не плаци,
прето, браца, зложно скричме: „Най жию, най жию Руснаци!”

А виками бул гнобени, служиц паном мушел,
чежко робиц примушени вшадзи дзе ше рушел.
Чежко було Руснакови аж и ширцом швета,
глад и биду кажди Руснак ище вше памета.

Приштив:

Нешка Руснак зоз гордосцу свойо мено ноши,
плоди предкох зоз радосцу, з поцешеньом коши.
Руске мено нешка Руснак з креву уж не плаци,
прето, браца, зложно скричме: „Най жию, най жию Руснаци!”